

10 DAYS OF PRAYER

WWW.TENDAYSOFPRAAYER.ORG

Okuddayo ku Kyooto – Entunnunsi z’Obulamu

OLUNAKU 3 – AMAKYA N’AKAWUNGEEZI

“N’okuyimiriranga buli nkya okwebazanga n’okutenderezanga Mukama, era bwe batyo akawungeezi” (1 Ebyomumirembe 23:30).

Obulamu Awali Katonda

Ebigambo ebiri mu kitabo kya 1 Ebyomumirembe 23 byoleka nti Katonda yalagira Abaleevi – nga be bantu abaalabiriranga yekaalu y’Abayudaaya n’obuweereza bwaayo – okuyimiriranga mu maaso Ge, okuyimusanga amaloboozi gaabwe mu kwebazanga n’okumutendereza buli ku makya n’akawungeezi. Enkola y’okwewonga eno ky’ekiragiyo Katonda kye yawa Musa bwe yagamba abaana ba Yisiraeri nti, “Bankolere awatukuvu; ndyoke ntuule wakati waabwe” (Okuva 25:8). Katonda yayongerako nti, “Enkya onoowangayo omwana gw’endiga ogumu; n’akawungeezi onoowangayo omwana gw’endiga ogw’okubiri” (Okuva 29:39).

Obulamu mu Masekkati

Obulamu bw’Abayisiraeri bw’alinanga okutambulira wakati mu mbeera z’omwoyo enkulu za mirundu ebiri buli lunaku. Abantu ba Katonda baalinanga okutandika n’okufundikira olunaku nga bali wamu ne naye. Baali tebalina kugalabanya kisa kya Katonda ekirokola ebbanga lyonna. Baali betaaga amaanyi ga Katonda okusobola okukuumibwa eri obulabe obw’oku ngulu bwe baayolekeranga mu ddungu nga batambula okugenda mu Nsi Ensuebize. Baali betaaga okukuumibwa eri ebikemo ebyabali munda – okwagala okweyisa mu mbeera z’e Misiri, ensinza y’e Misiri, wamu n’endowooza z’e Misiri bye baayigira mu bunyage. Saddaaka ez’okumakya n’akawungeezi y’eyali engeri ya Katonda mu kulaba ng’atekerawo Abayisiraeri enkola y’okusinza kwa ssekinnoomu n’amaka gye balina okugoberera, era nga y’engeri ey’okubakuumira mu nkolagana entuufu wamu naye. Ellen White ayogera bw’ati ku mbeera eno entukuvu eya buli lunaku:

“Ba kabona bwe baayingiranga ku makya n’akawungeezi mu kifo ekitukuvu mu budde bw’okunyookeza obubaane, saddaaka y’olunaku yalingawo nga etegekeddwa okuweebwaayo ku Kyoto wabweeru mu luggya. Akaseera kano kaali nga ka bwerende eri bonna abaalina bakunnaanidde ku tabanaakulo. Kabona bweyali nga tannaba kuyingira mu maaso ga Katonda okukola obuweereza, abantu baalinanga okubeera mu kusaba okw’ebuziba awamu n’okwatula ebibi byabwe. Beenyingiranga mu kusaba okw’awamu mu kasirise, nga obwenyi bwabwe babwolekezza ekifo ekitukuvu. Bwekutyo okwegayirira kwabwe ne kwambusibwa n’ekire eky’obubaane, nga okukkiriza kunyweredde ku bisaanyizo by’Omulokozi eyasuubizibwa mu kifaananyi kya saddaaka ey’okutangirira. Essaawa endagaanye eza saddaaka y’okunkya

n'akawungeezi zatwalibwanga nga ntukuvu, era ne zikwatibwanga nga obudde bw'okusinza obuteeketeke okwetoolola eggwanga lyonna erya Buyudaaya. Era Abayudaaya bwe baasasaanira mu bitundu eby'ewala nga batwalibbwa mu bunyage, baageranga ku budde buno ne boolekeza amaaso gaabwe eri Yerusalemi ne bawaayo okwegayirira kwabwe eri Katonda wa Yisiraeri. Okuyita mu nkola eno, Abakristaayo balina eky'okulabirako eky'okusaba okw'okumakya n'akawungeezi. Wakati mu kubeera nga Katonda akyaawa emikolo obukolo omutali mwoyo gwa kusinza, asanyukira nnyo abantu abamwagala nga bavunnama ku makya n'akawungeezi mu kunoonya okusonyiyibwa ebibi byabwe n'okuwaayo okwegayirira kwabwe olw'emikisa gye betaaga." (Patriarchs and Prophets, pp. 353, 354 <Bajjajja be Bannabbi>)

Obulamu bwo obw'okusinza bwe bubeera nga bubuliddwa entunnunsi zaabwo, saba Katonda kaakano attukize okwewaayo kwo mu kusinza okw'okumakya n'akawungeezi olwa leero.

Okusaba okw'Ekigambo kya Katonda – 1 Ebyomumirembe 23:30

“N’okuyimiriranga buli nkya okwebazanga n’okutenderezanga Mukama, era bwebatyo akawungeezi.”

“Buli Nkya”

Ai Yesu, twagala okutandika ennaku zaffe wamu naawe. Tukasaba otuzuukusenga tusobole okunyumirwa okussa ekimu naawe mu maaso Go. Tuyambe eno okufuuka empisa yaffe eya buli lunaku era tuleme kugipakusa oba okugiragajjalira. Tukasaba otuyambe okukufuula asooka mu birowoozo byaffe buli lunaku. Amiina.

“Okwebazanga n’Okutenderezanga Mukama”

Ai Kitaffe, twanguwa nnyo okuleeta gy’oli enkuyanja y’ebyo bye twetaaga, okwemulugunya, ne bye twegwanyiza, ne twerabira emirundi egimu nti oli Muntu, sso toli kyuuma kya busuubuzi. Tujjukizenga fenna ku ngeri z’ekikula Kyo, ebintu byonna ebitono n’ebinene by’otukoledde era by’otukolera, bwetutyo tuyinzenga okukwebazanga n’okukutenderezanga. Tusaba kaakano otuleetere ensonga ez’okukutendereza mu birowoozo byaffe. Amiina.

“Bwebatyo Akawungeezi”

Ai Katonda, tetukoma ku kwagala kutandika lunaku Naawe wabula n’okulufundikira Naawe era. Nga twefumiitiriza ku ssaawa ze watuwa, tukusaba otujjukizenga emirundi obwesigwa Bwo gye butweyoleseemu okuyita mu lunaku. Ka twebake n’okutendereza ku mimwa gyaffe, kubanga Ggwe oli Mulokozi waffe ataggwaawo. Amiina.

Ebirowoozo Ebirala eby’Essaala

Okwebaza n’okutendereza: Muweeyo okwebaza olw’emikisa egimu n’okutendereza Katonda olw’obulungi Bwe.

Okwatula: Waayo eddakiika entonotono olw’okwatula okw’ekyama n’okwebaza Katonda olw’okusonyiwa Kwe.

Okulunganyama: Musabe Katonda abawe amagezi okuyita mu bisoomooza n’okusalawo ku bigenda mu maaso.

Ekkalisa Yaffe: Musabe Katonda okuwa omukisa emirimu egy’ekkanisa yaffe mu kitundu, mu bbendobendo, ne munsu yonna.

Obwetaavu bw’Ekitundu: Musabire obwetaavu bw’abakkiriza mu kkanisa, ab’ennjanda, ne baliraanwa.

Okuwulira n’Okwanukulwa: Muweeyo obudde okuwuliriza eddoboozi lya Katonda n’okulyanukulira nga oyita mu kutendereza oba mu luyimba.

Ebirowoozo ku Nnyimba:

- | | | | |
|------|----------------------------|---|------|
| i. | Newaddeyo Gy'oli Yesu | - | #122 |
| ii. | Ompise Yesu Mukama wange- | | #144 |
| iii. | Father, Lead Me Day by Day | - | |
| iv. | Whisper a Prayer | - | |
| v. | Open My Eyes, Lord | - | |